



Broj/Број: 01/2а-50-1-2-29/08  
Sarajevo/Сарајево, 9 .7. 2008.godine

## **ZAPISNIK**

### **29. sjednice Komisije za vanjske poslove Predstavničkog doma Parlamentarne skupštine Bosne i Hercegovine, održane 9. 7. 2008.**

Sjednica je počela u 11,15 sati. Sjednici su prisustvovali članovi Komisije: Slavko Matić, Azra Hadžiahmetović, Milica Marković, Sadik Ahmetović, Husein Nanić i Denis Bećirović.

Osim članova i privremenog sekretara Komisije, sjednici su prisustvovali i predstavnici resornih ministarstava: Draženka Malićbegović, pomoćnik ministra civilnih poslova BiH, Samir Agić, pomoćnik ministra sigurnosti BiH, i Miroљub Krunić, iz Ministarstva finansija i trezora BiH.

Na početku predsjedavajući Slavko Matić pozdravio je prisutne i otvorio raspravu o dnevnom redu.

Za sjednicu je bez primjedbi jednoglasno usvojen sljedeći

### **DNEVNI RED**

1. Usvajanje Zapisnika 28. sjednice Komisije;
2. Davanje mišljenja o saglasnosti za ratifikaciju Memoranduma o razumijevaju između Vijeća ministara BiH i Vlade Kanade - Kanadski projekat u primarnoj zdravstvenoj zaštiti na Balkanu (resorno ministarstvo: Ministarstvo civilnih poslova BiH);
3. Davanje mišljenja o saglasnosti za ratifikaciju Memoranduma o razumijevanju između Vijeća ministara BiH i Vlade Kanade - Kanadski projekat za mlade i zdravlje na Balkanu (resorno ministarstvo: Ministarstvo civilnih poslova BiH);
4. Davanje mišljenja o saglasnosti za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije. (resorno ministarstvo: Ministarstvo finansija i trezora BiH);
5. Davanje mišljenja o saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa (resorno ministarstvo: Ministarstvo sigurnosti BiH);
6. Davanje mišljenja o saglasnosti za ratifikaciju Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH (resorno ministarstvo: Ministarstvo finansija i trezora BiH).

#### **Ad. 1. Usvajanje Zapisnika 28. sjednice Komisije**

Zapisnik je prihvaćen jednoglasno.

U okviru ove tačke Sadik Ahmetović predložio je da se, zbog istovremenog održavanja sjednice Predstavničkog doma i sjednice Komisije za vanjske poslove, radi po skraćenoj proceduri na ostalim tačkama dnevnog reda.

**Ad. 2. Davanje mišljenja o saglasnosti za ratifikaciju Memoranduma o razumijevanju između Vijeća ministara BiH i Vlade Kanade - Kanadski projekat u primarnoj zdravstvenoj zaštiti na Balkanu (resorno ministarstvo: Ministarstvo civilnih poslova BiH)**

Predsjedavajući Komisije Slavko Matić pozvao je predstavnicu resornog ministarstva da ukratko kaže nešto više o Memorandumu.

Draženka Malićbegović kazala je da je sveukupni cilj projekta podržavanje reforme u oblasti primarne zdravstvene zaštite kako bi se poboljšao zdravstveni status stanovništva, naglašavajući da će se ratifikacijom Memoranduma povećati kapaciteti i tehnička pomoć u oblasti zdravstva.

Na prijedlog predsjedavajućeg Komisije, bez rasprave i jednoglasno, dato je mišljenje da se predloži Predstavničkom domu da ratificira Memorandum o razumijevanju između Vijeća ministara BiH i Vlade Kanade.

**Ad. 3. Davanje mišljenja o saglasnosti za ratifikaciju memoranduma razumijevanju između Vijeća ministara BiH i Vlade Kanade – Kanadski projekat za mlade i zdravlje na Balkanu (resorno ministarstvo: Ministarstvo civilnih poslova BiH)**

Draženka Malićbegović rekla je da je ovaj projekat u uskoj vezi s Memorandumom iz prethodne tačke, nakon čega su članovi Komisije jednoglasno usvojili mišljenje da se predloži Predstavničkom domu da da saglasnost za ratifikaciju Memoranduma.

**Ad. 4. Davanje mišljenja o saglasnosti za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije (resorno ministarstvo: Ministarstvo finansija i trezora BiH)**

Miroljub Krunić je, u ime Ministarstva finansija i trezora BiH, govoreći o programu finansijske saradnje, rekao da se radi o sredstvima u iznosu od 40 miliona EUR-a koje će španska strana dati na raspolaganje Bosni i Hercegovini, a sredstva će se realizirati kroz kredite s minimalnom kamatom. On je naglasio da će obje strane usaglasiti listu prioritetnih projekata koji će na vidljiv način doprinosti ekonomskom i društvenom razvoju Bosne i Hercegovine u oblastima ekonomske infrastrukture, energetike, telekomunikacija, upravljanja vodama. Nakon toga, članovi Komisije jednoglasno su prihvatili zaključak koji je predložio predsjedavajući – da se da pozitivno mišljenje za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije.

**Ad. 5. Davanje mišljenja o saglasnosti za ratifikaciju sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa (resorno ministarstvo: Ministarstvo sigurnosti BiH)**

Predsjedavajući Komisije Slavko Matić pozvao je Samira Agića da, u ime resornog ministarstva, ukratko kaže nešto o Sporazumu.

Samir Agić je ukratko objasnio predmet i cilj Sporazuma, navodeći da je u više navrata potvrđena potreba saradnje u prevenciji sprečavanja prirodnih katastrofa. Poslije izlaganja predstavnika Ministarstva članovi Komisije su bez rasprave jednoglasno dali mišljenje da Komisija da saglasnost za ratifikaciju Sporazuma.

**Ad. 6. Davanje mišljenja o saglasnosti za ratifikaciju sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH (resorno ministarstvo: Ministarstvo finansija i trezora BiH)**

U ime Ministarstva finansija i trezora BiH, Miroljub Krunić rekao je da se radi o donaciji Kraljevine Norveške Bosni i Hercegovini u iznosu od 1,2 miliona KM, što je 80% od ukupne vrijednosti troškova rekonstrukcije i obnove fasade zgrade Parlamentarne skupštine BiH. On je rekao da je u Sporazumu ostavljena mogućnost da i preostalih 20% troškova finansira Kraljevina Norveška.

Na prijedlog predsjedavajućeg Slavka Matića, Komisija je bez rasprave jednoglasno dali pozitivno mišljenje Predstavničkom domu za ratifikaciju Sporazuma iz ove tačke.

Sjednica je završena u 11,30 sati.

Zapisnik sačinio:

Miroslav Stanišić, stručni saradnik u Komisiji za vanjske poslove.

Privremeni sekretar Komisije

Davorin Semenik

Predsjedavajući Komisije

Slavko Matić